

Broj: 05-02-5-4738/26
Sarajevo, 19.06.2026.godine

PARLAMENT FEDERACIJE BIH
PREDSTAVNIČKI/ZASTUPNIČKI DOM
Hamdije Kreševljakovića br. 3
71 000 Sarajevo
N/P Sekretara

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 23-07-2026			
Org. jed.	Broj	Priloga	Vrijednost
05/1	-02-	334	/26

PREDMET: Odgovor na poslaničku Inicijativu, dostavlja se

Veza: Vaš akt, broj: 05/1-02-334/26 od 19.05.2026.godine

Poštovani,

Vašim aktom, pod brojem i datumom veze, dostavili ste Vladi Federacije BiH, poslaničku inicijativu koju je uputio poslanik Damir Nikšić, a kojom se Vladi Federacije BiH predlaže slijedeće:

„da pripremi i u parlamentarnu proceduru uputi izmjene propisa kojima će se ukinuti stavka naknada za obnovljive izvore energije za domaćinstva na računima električne energije u Federaciji Bosne i Hercegovine, te da istovremeno predloži novi model finansiranja podsticaja za obnovljive izvore energije kao što su npr. oporezivanje ekstraprofita u energetsom sektoru ili prihodi od emisijskih i ekoloških naknada, a u kombinaciji sa sredstvima međunarodnih razvojnih i klimatskih fondova.“

Shodno nadležnostima Federalnog ministarstva finansija-financija na predmetnu Inicijativu dajemo slijedeći

ODGOVOR

Povodom inicijative kojom se predlaže da Vlada Federacije Bosne i Hercegovine pripremi i u parlamentarnu proceduru uputi izmjene propisa kojima će se ukinuti naknada za podsticanje proizvodnje električne energije iz obnovljivih izvora energije za domaćinstva, te istovremeno predložiti novi model finansiranja podsticaja za obnovljive izvore energije kroz oporezivanje ekstraprofita u energetsom sektoru, prihode od emisijskih i ekoloških naknada, kao i sredstva međunarodnih razvojnih i klimatskih fondova, ističemo da je predmetnu inicijativu potrebno sagledati i analizirati sa više aspekata.

Prije svega, neophodno je razmotriti karakter, svrhu i funkciju predmetne naknade, koja je propisana Zakonom o korištenju obnovljivih izvora energije i efikasne kogeneracije („Službene novine Federacije BiH“, broj: 82/23) i Uredbom o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje („Službene novine Federacije BiH“, broj: 95/24).

Predmetna naknada predstavlja jedan od ključnih mehanizama za finansiranje sistema podsticaja proizvodnje električne energije iz obnovljivih izvora energije i efikasne kogeneracije, te doprinosi ostvarivanju ciljeva energetske tranzicije, povećanju udjela obnovljivih izvora energije u finalnoj potrošnji energije i ispunjavanju preuzetih međunarodnih obaveza Federacije Bosne i Hercegovine u oblasti energetike, dekarbonizacije i zaštite okoliša.

Također, potrebno je analizirati namjenu prikupljenih sredstava, kao i moguće posljedice eventualnog ukidanja naknade na funkcionisanje postojećeg sistema podsticaja, sigurnost i predvidivost finansiranja, realizaciju planiranih projekata, investicijsku sigurnost te dostizanje strateških energetskih i klimatskih ciljeva Federacije Bosne i Hercegovine.

Posebnu pažnju potrebno je posvetiti razmatranju mogućih alternativnih izvora finansiranja navedenih aktivnosti, uključujući procjenu njihove pravne utemeljenosti, održivosti, fiskalnih efekata i dugoročne sposobnosti da osiguraju stabilno i kontinuirano finansiranje sistema podsticaja bez negativnih posljedica po energetski sektor, javne finansije i druge korisnike javnih prihoda.

U tom kontekstu, prijedlog da se postojeći model finansiranja podsticaja za obnovljive izvore energije zamijeni modelom zasnovanim na prihodima od emisijskih i ekoloških naknada, kao i drugim javnim prihodima, potrebno je sagledati u širem normativnom i institucionalnom okviru. Naime, takav prijedlog zahtijeva detaljnu analizu usklađenosti sa važećim propisima kojima su uređeni izvori, namjena i korisnici navedenih sredstava, kao i procjenu uticaja na postojeće sisteme finansiranja javnih funkcija.

Prihodi od emisijskih i ekoloških naknada predstavljaju javne prihode koji se prikupljaju po osnovu naknada za zagađivanje okoliša i zraka, pri čemu su obveznici plaćanja, način raspodjele, namjena sredstava i korisnici tih prihoda uređeni Zakonom o zaštiti okoliša („Službene novine Federacije BiH“, broj: 84/21), Zakonom o zaštiti zraka („Službene novine Federacije BiH“, broj: 72/24) i Zakonom o Fondu za zaštitu okoliša Federacije Bosne i Hercegovine („Službene novine Federacije BiH“, broj: 33/03). Navedeni propisi su u nadležnosti Federalnog ministarstva okoliša i turizma, te bi eventualno preusmjeravanje dijela ili cjelokupnog iznosa ovih sredstava za potrebe finansiranja podsticaja obnovljivih izvora energije zahtijevalo prethodno sagledavanje efekata na realizaciju postojećih zakonskih nadležnosti, programa i mjera koje se finansiraju iz tih prihoda, kao i odgovarajuće izmjene relevantnog zakonodavnog okvira.

Pored toga, prijedlozi koji se odnose na finansiranje podsticaja iz sredstava ostvarenih oporezivanjem ekstraprofita u energetskom sektoru, odnosno iz sredstava međunarodnih razvojnih i klimatskih fondova, zahtijevaju prethodnu analizu njihove pravne utemeljenosti, fiskalne održivosti, predvidivosti i dugoročne raspoloživosti, kako bi se osiguralo stabilno i kontinuirano finansiranje sistema podsticaja za obnovljive izvore energije. Posebno je potrebno sagledati da li se radi o izvorima finansiranja koji mogu obezbijediti dugoročnu stabilnost sistema podsticaja, imajući u vidu da se dio predloženih izvora može karakterisati kao privremen, promjenjiv ili projektno uslovljen.

Imajući u vidu kompleksnost predmetnog pitanja, ocjenjuje se da prije eventualnog pokretanja aktivnosti na izmjenama postojećeg normativnog okvira nije moguće zauzeti konačan stav o predloženim rješenjima bez prethodno provedene detaljne analize svih relevantnih pravnih, institucionalnih, energetskih, ekonomskih, socijalnih i

fiskalnih aspekata, uključujući procjenu efekata na postojeće korisnike javnih prihoda i održivost sistema podsticaja za obnovljive izvore energije i efikasnu kogeneraciju.

Slijedom navedenog, razmatranje predmetne inicijative potrebno je planirati u okviru izrade i ažuriranja relevantnih strateških i planskih dokumenata u oblasti energetike i energetske tranzicije, kada će se, na osnovu sveobuhvatnih analiza i procjena, sagledati mogućnosti unapređenja postojećeg modela finansiranja sistema podsticaja za obnovljive izvore energije i efikasnu kogeneraciju, uključujući i eventualne alternativne modele finansiranja koji bi bili pravno utemeljeni, fiskalno održivi i dugoročno primjenjivi.

S poštovanjem,

MINISTAR

Toni Kraljević

Co: Vlada Federacije BiH, veza akt broj: 03-04-366-5/2026 od 20.05.2026.godine